

www.BibleForChildren.org


Medhetethi 1



Elsabeexa qanthatin usupuntho ageenan, Xoossay
kiitanchuwa Gabreele Galila biittan de7iya Naazirete
katamaa kiittis. Kawa Dawita sheeshape gidida
Yoosefa geetetiya uraas oyshetida geela7eeko kiittis.
He geela7iya Mayraamo geetetawusu.



Kiitanchoy zaaridi, “Mayraame,
babofa; neeni Xoossa sinthan saba
demmadasa. Heko neeni
qanthatana adde na7a yelana,
iya sunthaa Yesuusa gada
sunthana. I gita gidana,
Ubbaafe Bolla Xoossaa
na7aa geetetidi xeegetana.
Godaa Xoossay iya aawa Dawita
araata iyaw immana. I Yayqooba
sheesha bolla merinaw kawotana;
iya kawotethaas zawi baawa” yaagis.



Mayraama kiitanchuwako, “Hessi
waanidi hananee? Ta adde erike”
yaagasu. Kiitanchoy zaaridi,
“Geeshsha Ayyaanay ne bolla
wodhana, Ubbaafe Bolla
Xoossaa wolqay ne
bolla kuyatana.
Hessa gisho, yeletiya
geeshsha na7ay
Xoossaa Na7aa
geetetana.”



Mayraama he saamintan dendada Yihuda
biittan de7iya issi derey dariya katama basu.
Zakaryaasa soo gelada Elsabeexo
sarothisu. Elsabeexa
Mayraami sarothisuwa
si7ida wode I uluwan
de7iya na7ay ufaysan
gupis. Elsabeexa
Geeshsha Ayyaanan
kumada, ba qaala
dhoqu oothada,
“Neeni maccasa
giddofe anjetidaaro,


ne qanthatida
na7ayka anjetidaysa.”



Yesuus Kiristoosa yeletethaa taarikey
haysafe kaalleysa. Iya aayiya
Mayraama Yoosefas
oysheta de7ashe Yoosefara
gahetonna Geeshsha
Ayyaanape qanthatasu.
Yoosefi Xillo asi
gidida gisho iyo
asan kessanaw
koybeenna. Yaaniya
gisho qosan iyo
agganaw qopis.




I he qofan de7ishin Xoossaa kiitanchoy amuhon qoncidi, “Dawita na7aw, Yoosefa, Mayraama qanthatiday Geeshsha Ayyaanape gidiya gisho iyo ekanaw yayyofa” yaagis. Iya adde na7a yelana, I ba deriya enta nagaraape ashshiya gisho iya sunthaa ne Yesuusa gada xeezana.



Yoosefi dhiskofe barkidi Godaa kiitanchoy kiittidaysa mela Mayraamo ba soo efis. Shin ba bayra na7a yelana gakanaw iyo bochibeenna; yeletida na7aka Yesuusa gidi xeejis.



He wode Roome biittan de7iya asa ubbay taybetana
melanne sunthay xaafetana mela kawoy Awugisxoosi
kiittis. Hessa gisho, issi
issi asi ba sunthaa
xaafetanaw ba
yeletida biitta
bis.



Yoosefika Dawita keethaafenne yaraape gidida gisho,
Galila Naazirete katamaape dendidi Dawita katama
gidida Yihuda Beeteleme
bis. Bishe, yelanaw wodey
wurida I oychi
wothida,



Mayraamira wolla xaafetanaw bis.



Enti yan de7ishin iw yelo
wodey gakis.



Enti yan de7ishin iw yelo wodey gakis.



He gadiyan qamma dorsa wudiya naagishe karen aqiya
henthanchoti de7oosona. Godaa kiitanchoy hassayonna
yidi enta matan eqis. Godaa bonchoy
enta yuushuwan poo7is;

entika
wolqaama
yashshi
yayyidosona.




Shin kiitanchoy, “Yayyofite! Heko, asaa ubbaas gidiya
gita ufaysaa mishiraachuwa ekada yas. Hessika, Dawita
kataman ashsheysi hintew hachi
yeletis. I Godaa Kiristoosa.

Zoqale
na7i
curqara
xaaxetidi
gongen

zin7idaysa hinte
demmana; hessika
hintew malla gido”
yaagis.



Qoponna daro salo kiitanchoti kiitanchuwara issife
qoncidi, “Bonchoy Xoossaas dhoqa
saluwan, saroy biitta bolla Xoossay
dosiya



asaas gido”
yaagidi
galatidosona.




Kiitanchoti entafe shaaketidi saluwa
keydaape guye henthanchoti, “Ane Goday
nuus qoncisidabaanne hanidaba be7anaw
Beeteleme boos” yaagidosona.



Entika ellesidi bidosona. Mayraamo,
Yoosefanne zoqale na7aa gongen
zin7idaysa be7idosona. Be7i simmidi
na7aba entaw odetoysa, qoncisidi he
bessan de7iya asaas
markatidosona.



Kawa Herodiisa
woden Yesuusi
Yihuda biittan
Beeteleme kataman
yeletidaape
guye xoolinto



taybiya asati dolohape
Yerusalaame yidi, “Yeletida
Ayhude kawoy awun de7ii? Nuuni
doloha baggara keyida iya
xoolintuwa be7idi iyaw goyinnanaw
yida” yaagidi oychidosona.




Hessafe guye, Herodiisi
dolohape yida asata
geeman xeeḡidi,
xoolintuwa enti be7ida
wodiya entafe geeshshidi
eris. I entana Beeteleme
yeddishe, “Bidi yeletida
na7aa minthidi koyite; iya
hinte demmida wode taka
bada iyaw goyinnana mela
simmidi yishe
taw odite”
yaagis.



Entika kawoy Herodiisi gidaysa si7idi bidosona. Enti
doloha baggara be7ida xoolintoy entana kaaletishe
na7ay de7iyasuwa gakanaw efis.




Soo gelidi na7aa ba aaye Mayraamira de7eysa
be7idosona. Iyaw gulbatidi goyinnidosona. Banta
saaxiniya dooyidi worqa, ixaanenne
karbe iyaw immidosona. Enti
Herodiisako guye simmonna
mela Xoossay amuhon
entaw odin, hara
ogera banta
biitta simmidosona.



Doloha baggafe yida asati
bidaape guye, Godaa
kiitanchoy Yoosefas amuhon
qoncidi, “Herodiisi na7aa
wodhanaw koyiya gisho
denda; ellesada
na7aanne na7aa aayiw
ekada Gibxe biitta ba.
Ne simmana wodiya
ta new


odana gakanaw yan
gam7a” yaagis.



Hessa gisho, Yoosefi he
qamman dendidi, na7aanne
na7aa aayiw ekidi Gibxe bis.
Nabiya doonan Xoossay,
“Taani, ta na7aa, Gibxe
biittafe xee gas” geetetida
qaalay poletana mela
Herodiisi hayqana
gakanaw l yan de7is.




Hessafe guye, doloha baggafe
yida asati iya cimmidaysa
erida wode daro yilotis.



I kase entafe si7idaysada
Beetelemeninne he heeran
de7iya nam7u laythi
kumidaysatanne nam7u
laythafe garsan de7iya adde
nayta ubbaa ba wotaadareta
yeddididi wodhisis.






Herodiisi hayqidaape
guye Gibxen Godaa
kiitanchoy Yoosefas
amuhon qoncidi,
“Na7aa wodhanaw
koyiya asati hayqida
gisho, dendada
na7aanne na7aa aayiw
ekada Isra7eele biitta

simma” yaagis.



Shin Arkeliyoosi Yihudan
ba aawa Herodiisa
bessan kawotidaysa
si7ida wode yaa
baanaw yayyis.



Xoossay amuhon iyaw
qoncisin Galila biitta
bis.






Shin

Arkeliyoosi Yihudan ba
aawa Herodiisa bessan kawotidaysa
si7ida wode yaa baanaw yayyis. Xoossay
amuhon iyaw qoncisin Galila biitta bis.



Xoossaa Na7aa ammaniya ubbay
merinaa de7uwa laattanaape attishin,
dhayonna mela Xoossay ha alamiya
daro dosida gisho ba issi
Na7aa immis.



Roome 3:23 Asa ubbay nagara oothidosona; Xoossay entaw immida bonchuwafe haakidi attidosona.

Roome 6:23 Nagara gatey hayqo. Shin Xoossay, nu Godaa Kiristoos Yesuusa baggara immiya imotay merinaa de7o.

Ibraawe 9:27 Asi ubbay issi toho hayqanaw hessafe guye pirdetanaw bessees.

Efesoona 2:8,9 Hinte aadho keehatethan ammanon attideta. Hessika, Xoossaa imotape attishin, hinte ooon bentidaba gidenna. Oonika ceeqetonna mela atotethay bentiday ooon gidenna.



Roome 10:9,10 “Yesuusi Godaa” gada ne doonan markatikonne Xoossay iya hayqope denthidaysa ne wozanan ammaniko, ne attana. Asi ba wozanan ammanidi xillees; ba doonan markatidi attees.

Yohaania 3:16,17 Xoossaa Na7aa ammaniya ubbay merinaa de7uwa laattanaape attishin, dhayonna mela Xoossay ha alamiya daro dosida gisho ba issi Na7aa immis. Xoossay ba Na7aa ha alamiya kiittiday alamiya pirdanaw gidonashin alamiya iya baggara ashshanaasa.

1 Yohaania 5:11-13 Hiza, markatethay haysa; Xoossay nuus merinaa de7o immis; he de7oyka iya Na7an de7ees yaageysa. Xoossaa Na7ay de7iya oodeska de7oy de7ees. Xoossaa Na7ay bayna oodeska de7oy baawa. Xoossaa Na7an ammaniya hintew merinaa de7oy de7eysa hinte erana mela haysa hintew xaafas.



Maatosa 1-2; Luqaasa 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Gofa Bible (gof) The Word for the World International and
The Word for the World Ethiopia

<https://www.bible.com/en-GB/bible/2344/GEN.1.GFBLVF>

©2026 Bible for Children, Inc.

www.M1914.org

www.bibleforchildren.org

